

INFORMACIJE ZA RODITELJE

Dragi roditelji i staratelji školske i predškolske djece,

U našem dopisu od 22. oktobra 2020. godine informisali smo vas o načinu ophođenja s virusom korone u školama u Offenbachu. Od tada se broj infekcija u Offenbachu i širom Njemačke drastično povećao. Gradski zavod za javno zdravstvo je zbog toga ponovo ograničio nastavu, koja se održava u školama od ljetnog raspusta. Pored toga, praćenje kontakata u školama više se ne odvija u dosadašnjem opsegu.

Uvođenje ograničenog redovnog rada:

Gradski zavod za javno zdravstvo pokrenuo je do 27. oktobra nivo 2 planskog scenarija za organizaciju nastave u školskoj 2020/21. godini (higijenski plan 6.0 Ministarstva kulture savezne države Hessen). Nastava se do daljnjeg odvija samo u tačno određenim grupama za učenje. To se iz organizacionih razloga ne odnosi na nastavu iz vjeronauke i etike, nastavu na drugom i trećem stranom jeziku kao i na obaveznu izbornu nastavu. Pored toga, mješovita nastava se održava samo kao priprema za završne ispite iz matematike, njemačkog i engleskog jezika u 9. i 10. razredima. Časovi maternjeg jezika i pripremni tečajevi obustavljaju se, ako su na nastavi prisutni učenici iz nekoliko škola i/ili ako su različitih godišta.

U međuvremenu je uvedena obaveza nošenja maske i za vrijeme nastave i u cjelodnevnom nadzoru u osnovnim školama (od šeste godine starosti). To se takođe odnosi i na nastavnike i na sav nadzorni personal. Sport se može odvijati samo na otvorenom bez kontakta, ali može se nastaviti sa nastavom plivanja. Kosa se može i dalje fenirati na najtoplijim stepenu. Ograničeni redovni rad će se odvijati za sada do početka božićnog raspusta.

Uvođenje promijenjenog modela:

Zbog kontinuirano visokog stepena infekcija gradski zavod za javno zdravstvo će do 16. novembra objaviti treći nivo higijenskog plana 6.0 za organizaciju nastave u višim razredima tzv. II nivoima srednjih škola i strukovnih škola u Offenbachu. Navedena godišta će pohađati nastavu naizmjenično uživo i na daljinu. Učenje na daljinu obično znači učenje od kuće (na primjer putem internetskih medija ili nastavnog materijala kod kuće). Na taj način mogu se formirati manje grupe za nastavu uživo i povećati odstojanje između učenika u učionici. Škole mogu obustaviti dodatne ponude (npr. sekcije) i organizovati školske pauze u različito vrijeme.

Obaveza nošenja maske za usta i nos:

Sve učenice i učenici, kao i svi nastavnici i nadzornici u osnovnim i srednjim školama, kao i u stručnim školama, moraju nositi svakodnevnu masku:
tokom nastave
u cijeloj školskoj zgradi
za vrijeme popodnevno nadzora

Pauze za jelo u razredima dozvoljene su samo ako se, nakon dobre ventilacije, održi minimalno odstojanje od 1,5 metar. Obaveza nošenja maske za usta i nos postoji od šeste godine starosti. Ako učenice i učenici u pojedinačnim slučajevima ne mogu nositi masku, škole moraju organizovati individualna rješenja za školovanje sa odstojanjem i odvojeno ili u drugim prostorijama. Ako to nije moguće, ovi učenici mogu preći i na učenje na daljinu.

Imajte na umu da država Hessen više ne priznaje plastične vizire kao zamjenu za maske za usta i nos!

Školama je naloženo da uvedu "pauze za maske" na otvorenom. Mlađe učenice i učenici trebali bi imati prednost za dobijanje ovih pauza. Važno je da između učenika postoji odstojanje od najmanje dva metra.

Od obaveze nošenja maske izuzeti su razredi koji imaju manje od 10 učenika, čiji učenici ne mogu nositi svakodnevnu masku zbog invaliditeta. U tim slučajevima - i samo kao apsolutni izuzetak - nastavnici mogu, za bolju komunikaciju sa dotičnim učenicima, privremeno zamijeniti svoju masku za usta i nos vizirirom za lice. Znamo da je obaveza nošenja maske na nastavi emocionalno pitanje i da je neki roditelji odbijaju. Ali vas molimo, uzmite u obzir: Svakodnevna maska najefikasnija je zaštita od međusobne zaraze virusom korone.

Razlozi za obavezu nošenja maske

Trenutno vrlo visoki broj zaraza dovodi do toga da zavod za javno zdravstvo u mnogim slučajevima više ne može garantovati praćenje kontakata, koje je vrlo važno. Zato se lanci zaraze moraju prekinuti, posebno kod ugroženih osoba. Prema trenutnim naučnim saznanjima, smatra se da su djeca manje ugrožena, jer obično razvijaju samo blage simptome ili su bez simptoma. Djeca se rijetko međusobno zaražavaju. Praktično iskustvo zavoda za javno zdravstvo u školama u Offenbachu potvrđuje ovo naučno saznanje. Obaveza nošenja maske štiti djecu međusobno. Ona pomaže u smanjenju opterećenja zavoda za javno zdravstvo u školama, jer djeca više ne moraju nepotrebno ići u karantenu.

Ponašanje vezano za zaraze u školama:

Do sada je gradska uprava nastojala da najmlađi učenici koriste maske što je moguće manje - takođe zato što nošenje maske na duže vrijeme za neku djecu može predstavljati opterećenje. Ako je učenik postao bliska kontakt osoba zbog zaraze u njegovoj porodici, mnogi drugi učenici ili nastavnici, često čak i cijeli razred, bili su iz predostrožnosti poslani kući, iako nisu imali direktan i blizak kontakt sa zaraženim članom porodice djeteta. Djeca su tada bila često testirana, iako se rizik od zaraze među djecom smatra vrlo malim: U Offenbachu je do sada bilo samo nekoliko pojedinačnih slučajeva zaraze u školama.

Praćenje kontakata u školama zahtjevalo je od gradskog zavoda za javno zdravstvo jako puno vremena. Pored toga, nema više dovoljno kapaciteta za testiranje. Ako postoji više od 200 novih infekcija sedmično, ne može se više garantovati testiranje u svim slučajevima. Gradska uprava je osigurala mnogo dodatnih zaposlenih za zavod za javno zdravstvo i otvorila nova radna mjesta. S obzirom na sve veći broj slučajeva, uključujući i klinike, tamošnji zaposleni moraju se koncentrisati na utvrđivanje lanaca zaraze kod starijih ljudi i rizičnih grupa, koji su znatno više ugroženi. Testovi moraju sada prvenstveno biti dostupni tim osobama. Prioritet se daje zaštiti rizičnih grupa, kojima učenici obično ne pripadaju, kako bi se zaštitio ljudski život.

Novi postupak i obaveza nošenja maske imaju i prednosti za vas i vaše dijete:

Najbolja međusobna zaštita učenika i nastavnika je kada sve učenice i učenici nose masku za vrijeme nastave. Zbog obaveze nošenja maske, djeca ne moraju više iz predostrožnosti ići u karantenu. Oni mogu nastaviti pohađati nastavu - to je važno za obrazovni put vašeg djeteta i za sve zaposlene roditelje. Braća i sestre djece u čijim se razredima dogodio slučaj korone imaju još jednu prednost. Do sada im je, prema hessiškoj uredbi, bio zabranjen ulazak u škole. Ova zabrana više ne važi - braća i sestre više ne moraju ostati kod kuće.

Za ponašanje u vezi zaraza u školama to znači: Ako zaraženi učenik sretno druge učenike i svi nose masku, nema bliskih kontakata kategorije 1, jer su svi nosili masku.

Prema naučnim kriterijima Instituta Robert Koch, učenici su tada samo kontaktna osoba kategorije 2. Kontaktna osoba kategorije 2 ne moraju ići u karantenu - shodno tome, učenici mogu nastaviti pohađati nastavu.

Važno je znati: U tim slučajevima zavod za javno zdravstvo neće više vršiti testiranje! Testovi također neće biti zahtjevani od škola. Ako se pojave tipični simptomi korone, tek onda najavite svoje dijete telefonski porodičnom ljekaru ili pedijatru i dijete treba ostati kod kuće.

Međutim, i dalje važi sljedeće: Svako ko je zaražen ili je osoba s bliskim kontaktom 1, jer su otac ili majka imali pozitivan test, mora i dalje biti 14 dana u karanteni i treba sa testirati - ako to već nije učinjeno.

Informacije o karanteni i rezultatima testiranja:

Ako gradski zavod za javno zdravstvo dobije pozitivan rezultat testa iz laboratorije, pozitivno testirana osoba će biti informisana o tome i stavljena 14 dana pod karantenu. Obično se prvo nazove telefonom, kako bi se osoba brzo obavijestila i kako bi ona mogla o tome obavijestiti svoje kontakte. Kontakt se uspostavlja na osnovu memorisanih podataka u zdravstvenoj kartici, telefonskog broja i adrese e-pošte. Poruka stiže obično u roku od dva dana. Ako su podaci za kontakt nepotpuni, prvo se moraju utvrditi tačni podaci. Ako čekate odgovor e-poštom, svakako provjerite svoju tzv. spam mapu s neželjenom poštom, da biste provjerili je li tamo dospio odgovor od zavoda za javno zdravstvo. Nakon toga se dobija poštom takozvani nalog za razdvajanje. Svi bliski kontakti 1 moraju biti u karanteni isto vrijeme kao i osoba koja je imala pozitivan test. Karantena se od sada uvijek odnosi i na sve druge osobe koje žive u istom domaćinstvu sa pozitivno testiranom osobom (sustanari, članovi porodice).

Ako su dijete ili njegova majka ili otac imali pozitivan test, utvrđuju se dalji kontakti djeteta u školi i privatno. Zavod za javno zdravstvo odlučuje tada drugačije, zavisno o situaciji i procjeni rizika, ko mora ući u karantenu. Međutim, djeca se više ne mogu testirati, jer kapaciteti za testiranje nisu više dovoljni i postojeći testovi su potrebni za posebno ugrožene osobe iz rizičnih grupa.

- Ako je dijete koje pohađa školu pozitivno testirano, dotično dijete mora biti stavljeno 14 dana pod karantenu. Rok počinje danom primanja testa. Ostalu djecu u razredu ne treba stavljati pod karantenu ili testirati, ukoliko ne pokazuju nikakve simptome.
- Ako je dijete samo jedna kontakt osoba sa pozitivno testiranim slučajem u vlastitoj porodici, treba ostati kod kuće. Ostala djeca u školskom razredu i dalje pohađaju nastavu.

Da li je vaše dijete testirano?

- Ako je test pozitivan, gradski zavod za javno zdravstvo će vas nazvati i obavijestiti o tome. Vaše dijete i sve ostale osobe u tom domaćinstvu moraju tada ostati kod kuće 14 dana u karanteni. Ako je vaše dijete prethodno već bilo pod karantenom, produžiti će se boravak u karanteni.
- Ako nema poziva u roku od 2-4 dana nakon testa, rezultat je obično negativan!
- Ali je važno: **Kontakt osobe neke pozitivno testirane osobe, koji imaju negativan rezultat testa, moraju ipak ostati 14 dana u karanteni, jer se bolest može pojaviti nekoliko dana nakon testa.**

- Ako se kod vašeg djeteta pojave simptomi i nakon negativnog testa, molimo kontaktirajte zavod za javno zdravstvo e-poštom (hit.gesundheitsamt@offenbach.de) i, ako je potrebno, svog porodičnog ljekara ili pedijatra.


Da li je vaše dijete kontakt osoba?

- Vaše dijete mora ostati kod kuće 14 dana. Ako se za to vrijeme ne pojave simptomi, karantena prestaje nakon 14 dana. Tada vaše dijete može ponovo ići u vrtić ili školu.
- Ako se kod vašeg djeteta pojave tipični simptomi za vrijeme karantene, obavijestite o tome zavod za javno zdravstvo (hit.gesundheitsamt@offenbach.de) i obratite se svom porodičnom ljekaru ili pedijatru radi liječenja.

Osim u spomenutim slučajevima, suzdržavajte se od telefonskih poziva i slanja e-pošte zavodu za javno zdravstvo. Brojni tamošnji upiti ne mogu se obraditi. Zavod za javno zdravstvo mora se koncentrisati na pozitivne slučajeve i njihove lance zaraze. Zbog zaštite podataka (zdravstveni podaci imaju visoku zaštitnu vrijednost) telefon za roditelje (069 840004-567) ne smije davati nikakve informacije o rezultatima testiranja. Ti rezultati nisu tamo dostupni. Međutim, općenite informacije možete dobiti na telefonu za roditelje, na primjer kada i kako se testira, kako se provode mjere karantene i druge osnovne informacije. Sve ove informacije dostupne su i na internetu: www.offenbach.de/corona-eltern.

Uz završnu molbu za razumijevanje zbog mnogih ograničenja i poteškoća s kojima se svi mi srećemo za vrijeme pandemije koronom, želim vam puno zdravlja! Držite odstojanje od drugih ljudi i značajno smanjite svoje socijalne kontakte, kako bismo što bolje prošli kroz naredne sedmice i mjesec.

Srdačani pozdravi,


Paul-Gerhard Weiß
Direktor škole

Offenbach na Majni, 12. novembar 2020. godine

